


例案續增

二下



| | | | |
|-----|---|---|---|
| 漢書門 | | | |
| 九 | 五 | 七 | 九 |
| 四 | 一 | 二 | 九 |
| 冊 | 架 | 函 | 號 |

| | | |
|------|---|---|
| 內閣文庫 | | |
| 漢 | 九 | 五 |
| 書 | 七 | 九 |
| 架 | 冊 | 號 |

| | | |
|------|-----|-------|
| 內閣文庫 | | |
| 番號 | 漢 | 9579 |
| 冊數 | 40 | (5) |
| 函號 | 296 | 98 |



給還官產

乾隆三年三月二十四日奉

淺草文庫

上諭朕因八旗人員生計艱難曾降諭旨將應入官之房屋地畝雖經報部尚未估價及八旗已經估價而尚未交部者令各該處查報給還本人執業又念欠帑人員那移之項與侵貪不同著該部查明各案內有家產已報未估并報估而尚未變交者如寔係因公確有憑據准其具題請旨乃降旨已久而戶刑兩部奏請給還者不過數案推求其故蓋因承辦衙門泥于前旨內估價而尚未變交之語以爲凡抵帑之產一經開報卽爲交官卽不在應還之列矣又因戶部復奏房地等項作爲已還數內者不應給還毋庸查奏以爲凡抵帑之產一經交官卽俱扣作完數皆不應在查奏之例矣是以歷數年之久而奏請者仍寥寥無幾朕思雍正十三年九月以前抵帑入官之房產現在不過十之二二

久留官所徒滋荒圯于事無益用是再頒諭旨凡前各案有情罪稍輕如那移分賠代賠着賠開欠指欠等項入官之產除已經變價已指俵勒限有人認買者不必查奏外其現存未變者無論已未交官已未扣作完報一摺查明原案情節將應否給還之處具奏請旨可傳諭戶刑二部行文八旗各省一體辦理欽此

盜贓年久無完免追

乾隆三年十二月刑部議得監追盜犯樊上玉等贓銀無完一案據湖撫崔 疏稱緣樊上玉鄒奇戴會一俱係行劫趙鼎元各船案内夥盜各分得贓銀五十兩因盜首樊進友未獲贓物未起將鄒上玉鄒奇戴會一俱擬斬監候待質九載奉上免死減等僉遣追贓在案今勒限追比無時各犯繫獄年久貧皆徹骨監追一載寔無家產可變無從著追取結送部援例請免以便發遣等因具題查例內給主

贓銀十兩以上監追一年不能完納果全無家產者奏請

定奪等語今該撫既稱樊上玉等各名下應追給主贓銀五十兩寔無家產可變無從著追取結送部請免等情應將樊上玉鄒奇戴會一名下未完給主贓銀五十兩可否免其著追之處恭候

欽定如蒙

俞允應行文該撫將樊上玉等各名下應追贓銀免其著追仍將該犯等即行發遣奉

旨樊上玉等應追銀兩准其寬免餘依議

罪雖援免贓銀未完仍照原擬發遣

乾隆三年十二月刑部咨據宛平縣知縣曹涵申稱蒙刑部牌開本部題覆兵部叅奏正定右營守備張廷弼在部行賄經承鈕國選撞騙得贓一案奉

旨依議欽遵據鈕國選供係宛平縣民人應牌交該縣嚴行管束其名下應追銀五十八兩作速催追解部等因蒙此經差押嚴追據鈕國選完交銀十兩現在貯庫所有下剩銀兩屢經比追無力完納茲據鈕國選呈請詳豁隨傳該犯隣總查訊僉稱鈕國選委係家產全無其名下應追銀兩寔屬無力完交等情出具甘結卑縣覆查無異理合加結申送核奪等因查例內在京在外問過因犯有入官贓二十兩以上監追一年不能完納者果無家產勘寔奏請

定奪等語先據兵部奏守備張廷弼在部行賄經承鈕國選撞騙得贓一案經臣部審明將鈕國選照誑騙聽選官吏財物例枷號三個月發烟瘴充軍援照乾隆二年四月十六日

恩詔免罪其名下所得銀五十八兩照追入官等因題結行追在案今據宛平縣申稱鈕國選名下除已完銀十兩外其未完應追入官銀四十八兩寔屬無力完納出具印甘各結送部應將鈕國選名下未完銀四十八兩應否免其着追之處照例奏請

定奪如蒙

俞允臣部行文宛平縣准其豁免其已完銀十兩解部交納奉

旨鈕國選係書辦撞騙財物擬以枷號三個月發往烟瘴充軍援赦免罪之犯伊撞騙銀兩限內不能完納即應仍照原擬發往烟瘴充軍何可寬宥今刑部以應否豁免之處兩議請旨甚屬不合刑部堂官着交該部議處具奏鈕國選所騙銀兩既不能完納仍照原擬發往烟瘴充軍餘依議欽此欽遵應將鈕國選遵照原擬枷號咨送兵部俟三個月滿日送回本部卸枷再行發遣可也合咨前去欽遵查照施行

查奏官產限一月造送

戶部等部爲遵

旨議奏事會查得監察御史陳治滋查奏入官房屋一摺查八旗入官房
產屢奉

恩綸准予查奏業經戶部于乾隆元二兩年將盧詢等百有餘案奏請給
還本人乾隆三年三月內又奉

諭旨雍正十三年九月以前抵帑入官房產現存不過十之一二久留官
所徒滋荒圯于事無益凡有情罪稍輕如那移分賠代賠着賠開欠
指欠等項入官之產現存未變者一概查明原案請旨可傳諭戶刑
二部行文八旗各省一體辦理欽此欽遵臣等隨卽通行遵照去後
嗣據各該旗省將各案入官房產陸續造冊送部其有應行查奏者
俱經戶刑等部節次題奏請

旨遵行在案今該御史陳治滋奏稱各旗省承辦此事訪得經手胥吏賈
冒天功以爲己力操縱在手因緣爲奸指勒索不遂其欲故爲延
捺以致懸案未結田產口就荒圯而

皇恩不能徧逮等語查入官房產給還本人乃

皇上格外隆恩必奉行無弊方可仰體

聖衷若奸胥滑吏因緣取利藉端勒索玩法作奸莫此爲甚理應嚴究應
如所奏行令各省督撫細加察訪如有此等情弊卽行查拿叅究按
律治罪該管各官失于查察及知情不舉交部分別處分至該御史
陳治滋奏稱一切入官抵帑之產自開報以來每值歲終例應造冊
分晰報部除已經變價外孰係已報未估孰係已估未變孰係交官
扣作完數條分縷晰可以按籍而稽似不必咨行旗省輾轉飭查請
飭行戶刑二部將各案每年奏報之冊覆核當日原叅之案凡係現
在尚未變抵之產例得給還本人者令于一月之內查明請

旨等語查各省入官房產案件到部俱係隨到隨辦按月造報科道註銷

並無遲延不結之處今該御史既稱八官抵帑之產不必咨行旗省請令各部按每年奏報之冊覈對原案查奏臣等公全酌議八官房產雖無歲終彙冊報部之例但各案行追虧空報抵產業已未變價各該部或有原案可以稽查者應嚴飭各司承辦之員詳查案卷將情罪稍輕八官房產現存未經變價者逐一查出卽行具奏請

旨如蒙

俞允給還行文該督撫確查官在現存未變之產立卽給還本人收領管業如原報未變房產內有于乾隆三年三月未奉

恩旨查奏以前續經變價者照數扣除報部備案再各省應變房產案件繁多誠恐臣部等部一時查奏或有遺漏并令各該督撫將應行查奏之案于文到一月內悉行造冊送部各該部詳加核對如有遺漏之處以便補行具奏如此則案件易于清完而胥吏稽延需索之弊

可除矣至八旗八官房產除已經奏免並田畝作爲公產房屋留旂取租先經奉

旨不必查奏外其餘應行查奏之案亦屬無幾應再行文八旗都統詳細確查如有未經造送并未完結之案速卽查明造送原辦衙門查奏如無未送未結之案亦卽聲明咨部存案可也乾隆四年五月二十四日奉

旨依議

死者無親屬兇手赤貧免追埋葬銀兩

刑部爲據鳴稟報事看得原任安撫孫國璽審題陳老與高二扒取錢文分贓爭角戳傷高二左右兩肋業長嫩肉結蓋將次平復高二洗澡感寒血疾殞命等因前來應如該撫所題陳老合依原毆傷輕不至于死後因他病而死者杖一百流三千里例應流三千里至配

所折責四十板仍盡本法刺字該撫既稱高二並無親屬陳老又屬赤貧其應追埋葬銀兩邀請豁免應如該撫所題完結乾隆五年
月內奉

旨依議

求索得贓之員故後不卽免追應查的屬財產駁

刑部爲特叅貪劣不職之縣令等事議得福建巡撫周 審題叅革建安縣已故知縣王士俊貪劣不職一案除王士俊縱容家人書辦得贓併得受翁登元餽送贄儀各輕罪不議外其得受書辦規禮捐監結禮共銀六十二兩又收受串票錢貳拾肆千文折銀二十四兩應如該撫所題合依監臨官吏求索所部內財物計贓准不枉法論折半科罪不枉法贓四十兩杖一百律應杖一百但王士俊已于取供後病故應毋庸議再該撫疏稱王士俊所得各贓均照犯人身死

勿徵律免追等語查王士俊有無嫡屬財產着追之處該撫疏內並未聲明不便遽免應令該撫查明報部再行定議該撫既稱謝全公除被索銀兩及得受翁登元二兩輕罪不議外其聽從派索串錢應照不應重律杖八十革役已于解府後病故亦毋庸議所得贓銀照律免追王忠合依監臨官吏家人于所部內取受求索贖物依不枉法贓減本官罪二等律不枉法贓一兩之上至一十兩杖七十減二等笞五十無祿人又減一等笞四十追贓入官舒世登袁明鏡李馨遠黃志滙朱南耀劉亨通王廷瑞黃士誠陳龍章何昌華葉永亨陳文錦等聽從鄉收多索串錢均合依不應輕律笞四十翁登元訊無行求情事但不合餽送禮物合依官吏接受所部內餽送土宜禮物受者笞四十與者減一等律應笞三十鄧振麟吳煙周步青官騰蛟俱係被索出銀應予免議笞犯先行折責發落等語均應如該撫所

係案續刊 卷二 三
擬完結等因乾隆十年四月初五日奉

旨依議

被姦拐逃之婦因父出首照律減等

乾隆二年四月刑部議覆孫四姦拐李朝亮之妻張氏一案據直督李疏稱緣張氏許配李朝亮尚未于歸張氏之父張福貧難度日携妻郭氏女張氏出門討吃路遇乞丐孫四結為夥伴孫四見張氏少艾每將所乞餘物分給張福旋邀令同住孫四卽勾引張氏通奸張福夫婿安心縱容李朝亮將張氏娶去孫四仍與張福同居張福邀同孫四出外孫四欲與張氏偕往張福卽將張氏許給為妻孫四使張福向張氏商量同逃張福先領妻郭氏往沙窩村等候孫四潛赴張氏屋後等至二更張氏乘夫李朝亮熟睡開門逸出跟隨孫四行至沙窩村會合張福郭氏赴滄州三撥屯空廟住下認爲夫婿翁婿李朝亮次早覓妻無踪尋至妻父張福家見張福夫婿亦皆逃走具報緝拿張福畏懼赴縣投首拿獲孫四等到案屢審不諱將孫四等分別定擬具題應如所題孫四合依和誘知情例發寧古塔給披甲人爲奴遵例令該督將該犯刺字酌發廣西烟瘴少輕地方張氏係婦人枷號兩個月責四十板但其拐逃之罪伊父張福于事發後首出應照知人欲告自首律減二等枷號五十日責三十板給還本夫李朝亮聽其去留張福應照逐壻嫁女律杖一百係自首應照律減二等折責三十板年逾七十照律收贖該督旣稱郭氏縱女通奸跟隨同逃業已罪坐伊夫且又雙目皆瞽已成篤疾應請免議等語應毋庸議奉

旨依議

夥盜自首因經網縛事主比例充軍網縛事主盜犯改斬候

乾隆二年六月刑部會議覆盜犯陸有祿等行劫鶴山縣民任其昌等家一案據廣撫楊 疏稱盜首陸有祿于雍正十三年八月初八日同任三萬在田耘草談及貧苦陸有祿起意行劫任三萬卽以任其昌等家有牛隻衣物村小人稀易于行劫之言相告適有李鉅佐李開植李君帶在彼經過取火吃烟陸有祿商邀入夥各皆應允陸有祿隨找得區亞七鄧亞長李德歡李開運李伯冠李鉅佐亦找得李瑞氣李作奕李伯兆李正宏李裕其約定初十日晚在面前岡聚會至期各盜携械畢集同黨一十五人任三萬引路二更時分直抵事主村前李瑞氣李君帶李正宏李開運李伯兆李裕其六人在外把風任三萬用竹槍擺開閘門事主任其昌等驚起拒敵任三萬用槍截傷事主黎朝傑乳旁陸有祿李鉅佐當卽喝阻維時任其昌等怯懼退入屋內陸有祿等九人齊擁入屋李鉅佐李伯冠李開植李作奕將事主任其昌等四人用繩細縛各盜隨卽搜掠猪牛衣物奔回面前岡分贓散踪嗣獲區亞七鄧亞長共開盜首夥盜姓名并據盜首陸有祿夥盜李開植李德歡李鉅佐李正宏李開運李伯兆李裕其自行投首陸續緝獲李瑞氣李作奕李君帶到案屢審各認不諱事主傷輕平復將李作奕等擬以斬戍流徒等因具題除夥盜任三萬鄧亞長李伯冠病故區亞七續據該撫咨報病故均不議外該撫雖稱李作奕係聽找入夥止劫一次並未傷人情有可原等語查雍正十三年十一月內王大臣議覆御史鄒一桂條奏細縛事主之盜犯俱照法所難宥畫一辦理等因奉

旨依議欽遵在案今此案夥盜李作奕將事主任其昌等用純細縛不應照情有可原定擬發遣應將李作奕照強盜已行得財律擬斬立決但查乾隆二年四月十七日本部等衙門議覆湖撫鍾 題劉正國

等行劫周士璧家一案將案內細縛事主之女周氏之夥盜周正善改擬斬決具題奉

旨劉正國周正詳俱着卽處斬周正善改爲應斬着監候秋後處決餘依議欽此遵行在案今查此案幫細事主之夥盜李作奕與周正善案情相同可否將李作奕照周正善之案擬斬監候秋後處決之處恭候諭旨遵行倘蒙

俞允將李作奕牢固監候其該撫擬以情有可原之李瑞氣李君帶應照例免死減等刺字遵奉乾隆元年五月內題定川廣犯事者僉妻發往雲南貴州極邊烟瘴地方交與該地方官嚴行管束未傷人之盜首陸有祿既經自首應照盜首任六詔自首之例僉妻發遣衛充軍至配所杖一百折責四十板再該撫疏稱李鉅佐李開植係聞拿投首且各止行劫一次並未傷人應照知人欲告而自首律擬徒等語

但查夥盜細縛事主及毆傷事王者俱擬法無可貸今李鉅佐李開植將事主任其昌等用純細縛雖係投首亦不便依自首律減等擬徒應將李鉅佐李開植照強盜毆傷事主傷輕平復係夥盜仍准自首例僉妻發邊衛充軍至配所杖一百折責四十板聞拿投首之李德歡李開運李正宏李伯兆李裕其均合依知人欲告而自首者減罪二等律杖一百徒三年至配所各折責四十板查康熙六十一年十一月二十日恭逢

恩赦免死減等發遣盜犯俱准援免在案今擬遣之李瑞氣李君帶并擬軍之陸有祿李鉅佐李開植擬徒之李德歡李開運李正宏李伯兆李裕其均事犯在雍正十三年九月初三日

赦前均應免罪已獲贓物給主未獲贓物應將各盜家產變賠該撫既稱各盜並無同居親屬知情分贓等語應毋庸議再該撫疏稱盜犯任

三萬在鶴山縣監病故鄧亞長在按察司監病故李伯冠患病在番禺縣監病故查監斃盜犯一名管獄承審各官例得免議各職名毋庸開報等語均毋庸議再該撫疏稱本案同黨一十五人俱已全獲審無窩線原叅疎防各官已准部文免議等語均應無庸議奉旨李作奕改爲應斬着監候秋後處決餘依議

首竊不首拒捕傷人

乾隆二年十一月刑部會議覆晉江縣賊犯蔡掌等行竊侯益良家服物打傷事主一案據署福撫郝疏稱緣蔡掌與呂明同鄉居住雍正十三年十二月二十九日呂明偶至蔡掌家言及貧難度歲蔡掌卽告以侯益良家道殷寔起意商同行竊呂明依允約定是夜同行蔡掌又往招族人蔡猜並紀祖黃喜黃顯龔權許寬龔德蔡日蔡波至夜均在路溝裡地方等齊前往有蔡評挑担販魚在于路口經過蔡掌因與熟識并招同行蔡評至中途驚懼奔回蔡掌等共十一人惟蔡掌與蔡猜隨帶挑賊木棍又口扁挑呂明帶挖門鉄尖餘俱徒手三更時分至侯益良門首龔德先脚踩呂明肩膊上墻呂明亦脚踩蔡掌肩膊上墻俱由侯益良家原靠在墻之木梯而下潛開侯益良外門蔡掌與蔡猜黃喜許寬進屋紀祖龔權黃顯蔡日蔡波在外等候侯益良因聞犬吠開門出望蔡掌俱潛伏僻處侯益良見無動靜仍卽閉門而寢蔡掌等復探事主睡熟龔德呂明用呂明所帶鉄尖挖開侯益良房門兩人入竊因門板掉落侯益良知覺起執木棍出趕蔡掌恐被拿獲隨將所帶挑賊木棍向格用拳打傷侯益良右乳並棍傷侯益良右膝肋蔡猜亦用扁挑打傷侯益良左額角時紀祖奔入探望不期撞倒侯益良擦傷右膝紀祖因黑暗誤爲同夥用手扶起致又抓其左乳破皮蔡掌等隨各逸去呂明龔德二人在

過蔡掌因與熟識并招同行蔡評至中途驚懼奔回蔡掌等共十一人惟蔡掌與蔡猜隨帶挑賊木棍又口扁挑呂明帶挖門鉄尖餘俱徒手三更時分至侯益良門首龔德先脚踩呂明肩膊上墻呂明亦脚踩蔡掌肩膊上墻俱由侯益良家原靠在墻之木梯而下潛開侯益良外門蔡掌與蔡猜黃喜許寬進屋紀祖龔權黃顯蔡日蔡波在外等候侯益良因聞犬吠開門出望蔡掌俱潛伏僻處侯益良見無動靜仍卽閉門而寢蔡掌等復探事主睡熟龔德呂明用呂明所帶鉄尖挖開侯益良房門兩人入竊因門板掉落侯益良知覺起執木棍出趕蔡掌恐被拿獲隨將所帶挑賊木棍向格用拳打傷侯益良右乳並棍傷侯益良右膝肋蔡猜亦用扁挑打傷侯益良左額角時紀祖奔入探望不期撞倒侯益良擦傷右膝紀祖因黑暗誤爲同夥用手扶起致又抓其左乳破皮蔡掌等隨各逸去呂明龔德二人在

侯家紀 卷二 奏
房先已竊出漁網服物裝入蔡掌所帶口袋之內分負而逃各犯偕至荒野無人照管空閑糖廩內時近天明俵分而散續據蔡掌抱贓赴縣投首未將自己拒捕打傷事主之處一起首明先後拘獲呂明等到案屢審供認不諱將蔡掌等擬以軍杖等因具題查定例內夥盜十人以上不分首從並發邊遠充軍等語今蔡掌係夥盜十人以上爲首之犯雖經自首行竊但拒捕傷人仍未首出蔡掌除自己行竊應減擬徒輕罪不議外應如該署撫所題蔡掌合依竊盜拒捕傷人傷非金刃又傷輕平復爲首例僉妻發邊衛充軍至配所杖一百折責四十板已經自首應免刺字呂明蔡猜紀祖黃喜黃顯龔權俱查明妻室各發邊遠充軍至配所杖一百折責四十板仍各刺字蔡評雖係路遇同行中途驚懼先回並未夥竊分贓但明知蔡掌等行竊不行阻止事後又不肯報應照知人謀害他人不卽阻當及被害後不首告律杖一百折責四十板蔡掌等俱事犯在乾隆二年四月

十六日

赦前均應免罪免刺已起之贓給主收領未起之贓着落各犯名下家產變賠呂明等所得蔡掌魚網錢及蔡掌行竊口袋二個一併追變入官該署撫旣稱呂明黃喜先曾爲竊一次呂明聞拿逃道黃責刺餘犯僅止行竊一次俱無窩線亦無同居親屬知情分贓均無庸議等語應均無庸議逸犯許寬龔德蔡日蔡波緝獲另結奉

旨依議

隱匿入辛者庫人口赦後首出

吏部題爲欽奉

上諭事議得廂白旗滿洲分具奏咨稱據本叅領邊柱佐領下工部筆帖式永在呈稱切在之父四格原當戶部領催因黃檔房案內施欠錢

糧不能賠還雍正二年將家屬入于顯親王辛者庫時因在係
孝陵筆帖式家產俱在任所京城原報內只將在長子海哥報出次子
德永因其年幼兼染患病我一時冒昧未曾報出在之長子海哥病
故今蒙

皇上施恩將永在家屬俱令出旗除次子外別無丁嗣從前未經報出滿
洲不敢隱瞞等情前來查工部筆帖式永在于

老陵筆帖式時既因伊父四格拖欠錢糧不能賠還其家屬入辛者庫
理應將伊子德永報出乃竟隱瞞並不報出後經調補工部又不即
行報出及至

皇上施恩將入辛者庫人等令其出旗永在希圖僥倖始行報出從前居
心巧詐存意隱匿殊屬不合應將工部筆帖式永在子孫弟侄隱蔽
差役者家長杖一百私罪律革職再查筆帖式永在從前伊子隱瞞

之處雖在

恩赦以前但因奉有

皇上恩旨將入辛者庫人等令其出旗希圖僥倖于乾隆二年八月內始
將伊子報出事在

赦後不便援 赦寬免乾隆 年 月內奉

旨依議

首盜起意糾夥又誣良為盜夥盜攜帶火毬又失火延燒俱不准

首

乾隆三年十二月刑部會議覆行劫陽春縣監生梁朝用樓房案內
逸盜陳文進卽陳亞三自行投首一案查先據廣撫鄂 疏稱盜首
曾一葵于雍正六年十二月十二日往赴黃泥灣墟撞遇黎亞保梁
自興聞談黎亞保遂以伊王梁朝用刻薄情由相告曾一葵起意行

劫令黎亞保梁自興同爲探線曾一葵遂輾轉找得何亞七馮亞朋
馮亞吹曾國佐謝廷舉嚴亞八江成啟陳永朝陳文進黎亞四涂亞
二余亞一區奇併姓區不知名字一八共黨一十七人于二十三日
晚在事王寨後畢集携械齊至事王門首時值事王樓門未閉曾一
葵何亞七曾國佐在外把風黎亞保梁自興指引謝廷舉等十二人
入樓燃點火毬搜取銀錢謝廷舉陳永朝將事王之侄梁作乾妾吳
氏綑縛燒嚇餘盜搜取銀錢陳文進黎亞四在樓上失脚踢倒油瓶
遺下火毬延燒樓房各盜心慌未及搜取衣物隨卽持銀挑錢奔至
二十四山地方俵分而散嗣據盜首曾一葵聞拿自首供開夥黨姓
名及誣扳蘇國上何洪萬爲盜夥陸續緝獲謝廷舉等屢審各認不
諱除盜線梁自興夥盜江成啟涂亞二余亞一曾國佐及窩藏陳文
進之江鼎朝俱於取供後病故陳永朝被拿服毒身死均不議外將
曾一葵黎亞保謝廷舉均依強盜燒人房屋律擬斬立決梟示馮亞
朋馮亞吹均依例擬遣何亞七嚴亞八均歸于行劫莫料昌嚴享利
家案內正法等因具題經臣部等衙門議覆盜首曾一葵雖經自首
但起意糾夥燒人房屋又誣扳蘇國上等爲同夥黎亞保同謀探線
謝廷舉綑縛事王均擬斬決梟示馮亞朋馮亞吹擬遣未獲放火夥
盜陳文進黎亞四區奇併姓區不知名字之一人嚴緝務獲審擬具
題等因題結續據該撫題報緝獲逸盜黎亞四于審供後在監病故
經臣部咨覆各在案今據署廣撫王一疏稱乾隆元年五月初三日
據逸盜陳文進因乾隆元年四月初二日行劫監生羅公選家案內
抱贓投首供認行劫本案聽找入夥上盜分贓及失火燒樓各情形
悉與原招脗合洵爲本案正盜無疑將陳文進依強盜燒人房屋不
分曾否得財律擬斬立決梟示照例先行刺字并聲明該犯係隨從

入夥又經自首其樓房本屬失火延燒究與下手放火者有間情尙可原其認却羅公選家一案取有確供亦係隨從爲盜並未傷人應歸于本案從重歸結等因具題查強盜放火燒入房屋例不准其自首今陳文進雖因行劫羅公選家案內供出本案但火毯係陳文進分給衆人油甌亦係陳文進踢倒致燒事主樓房且係當時起火劫取銀錢並非劫後延燒自首之盜首曾一葵移盜黎亞保等俱經斬梟在案陳文進不應如該署撫所題擬以情尙可原免死減等應照例不准自首仍依強盜燒人房屋不分曾否得財律擬斬立決梟示于本案從重歸結仍於彼案行劫處所張掛告示諭衆知之該署撫既稱陳文進所得銀錢應於該犯名下及從前給江鼎朝已經起獲貯庫之綢緞各物內變賠該犯並無同居親屬知情分贓毋庸議等語應如該署撫所議完結逸盜區奇并姓區不知名字一人應令該署撫嚴緝獲日另結等因奉

旨九卿議奉欽此該本部會同九卿議查強盜放火燒人房屋例不准自首本案自首誣扳之盜首曾一葵及盜線黎亞保細縛事主之夥盜謝廷舉俱依例斬梟在案今夥盜陳亞三雖因投首行劫羅公選家供出本案但延燒事主樓房火毯係陳亞三帶入油甌亦係陳亞三踢倒且犯事在逃又行強劫不便寬減陳亞三應擬斬立決免其梟示餘俱仍照刑部等衙門原議奉

旨陳亞三著卽處斬餘依議

夥盜於別案結後投首本案免罪

乾隆四年八月刑部會議覆陳二楞等行劫僧人德順錢布衣物一案據直督孫 疏稱緣陳二楞與張三等在舖飲酒陳二楞稱僧人德順饒裕起意行劫張三等允從同夥七人攜帶火煤柳棍三更時

分齊至事王門首由牆進院劉二麻子王六端門與陳二楞張三一
同入室陳二楞點火搜賍德順叫喊被陳二楞嚇止陳二楞張三劉
二麻子各搜劫錢布衣被等物俵分而散事主德順未經通報嗣劉
二麻子于行劫程檔案內免死減等援

赦免罪釋放後將夥劫此案并行劫馮師愷家一案向外委干總邢永功
投首供出陳二楞等各盜姓名將王大瓢拿獲并移提陳二楞張三
到案屢審不諱將陳二楞等分別定擬等因具題應如該督所題陳
二楞張三王大瓢俱合依強盜已行得財律擬斬立決再該督既稱
陳二楞張三均法無可貸但已于行劫張文成案內聲明歸於周王
氏家案內審結王大瓢情有可原劉二麻子夥盜未傷人自首等語
陳二楞張三應聽歸于行劫周王氏家案內審明從重歸結王大瓢
應免死減等遵照乾隆二年七月二十日奏准民人有犯強盜情有

可原免死減等查明有無妻室照例發遣王大瓢事犯在屢次
赦前應免罪夥盜劉二麻子合依照犯罪自首律免罪地方劉文才合依
不應重律杖八十劉文才事在

赦前應免罪仍革役該督既稱被劫不報之事王德順病故等語應均無
庸議行劫賍物既無事主親屬赴領應查盜產變賍入官逸盜姜大
漢王六張四應令緝獲另結再該督疏稱此案係事主隱匿不報並
非文武各官諱盜今盜夥七人已獲四名獲盜已經過半并獲盜首
且事在雍正十三年九月初三日

恩詔以前文武疎防職名應免叅議處等語應毋庸議奉
旨依議

細職事主之盜不獲大功服弟捉送擬遣

乾隆五年五月刑部會議復盜犯區英等行劫陽春縣監生羅公選

家一案先據署廣撫王 疏稱緣盜首區英與羅公選隣寨而居探
知羅公選羅毅有銀乘其出外起意行劫于乾隆元年三月二十六
日撞遇素識之陳文進商謀輾轉糾約梁利忠梁國戶梁亞五嚴方
元梁亞窩周朝上嚴上恭嚴德全各皆應允約定四月初二日夜在
事主黃勝寨背石山脚聚會至期各盜踵至共黨十人各執器械起
行二更時候直抵事主寨外區英梁亞窩嚴上恭梁利忠嚴德全等
五人在外把風陳文進砍柴紫梯靠于西北石牆邊攜帶火毬木批
上牆嚴方元亦帶順刀鉄鑽隨梯而上由梯下地陳文進先開寨門
梁亞五梁國戶周朝上三人齊入陳文進嚴方元見事主大門外有
門櫳緊閉不能撬進又携梯架在簷邊上屋揭瓦陳文進拋下火毬
見事主堂兄羅超北立于卧房門外叫喊陳文進嚴方元將鉄鑽撬
起桁桷用手推卸抽梯入屋下地羅超北躲入柯氏卧房閉門推頂
嚴方元以刀撬門戳傷羅超北右手肱陳文進卽開大門梁亞五
等擁入嚴方元亦撬開柯氏房門群盜齊入嚴方元捉住羅超北梁
亞五解取籬繩同梁國戶細縛羅超北之手柯氏畏懼同媳陳氏幼
婢春喜躲入床下嚴方元將柯氏扯出梁國戶隨解柯氏之帶細縛
其手嚇取銀兩柯氏說出貯銀處所陳文進梁亞五燃起火毬照亮
時梁亞窩亦塗面而入幫同梁國戶等搜取銀錢衣飾用衫包裹交
與梁亞窩背出齊回嚴上恭家維時天色將亮區英恐事主知覺將
贓物點明先歸陳文進等約畧俵分而散嗣據陳文進抱贓投首供
開盜首夥盜姓名并認劫梁朝用家一案旋經陸續拿獲梁亞窩等
並據盜首區英堂弟區章獲解區英赴縣屢審各供不諱事主之兄
羅超北傷輕平復將區英陳文進梁亞窩嚴上恭周朝上嚴德全均
依強盜已行得財律擬以斬決照例先行刺字并聲明陳文進于行

劫監生梁朝用家案內從重歸結區英雖係盜首但並未下手傷人
且係大功服弟區章獲解請將盜首區英比照盜首任六詔自首之
例擬軍援

赦免罪夥盜梁亞窩嚴上恭周朝上嚴德全俱係聽找入夥並未細縛事
主且止行劫一次均屬情有可原等因具題經本部等衙門以此案
細縛事主之犯俱係法無可貸夥盜梁亞窩等到案時並未將細縛
截傷事主情由指名供出迨嚴方元病故之後始據群盜供稱截傷
事主係嚴方元細縛事主係脫逃之梁國戶梁亞五現在各犯竟得
援減至事主羅超北供詞雖有不是現在這些強盜細縛等語查案
內在外把風者四人既未經羅超北看見而入室行強者六人細傷
事主之三犯止梁國戶未曾塗面羅超北又何由知現獲各犯並非
細縛之人其間恐有捏供推卸避重就輕情弊再盜首區英因係夥

盜供出着伊服弟區章獲解到官與自行投首及親屬自行捕送者
不同今援引任六詔成案將區英擬軍亦未允協且任六詔等案並
非著爲定例不得援引應令該署撫再加嚴審詳查案情一併妥議
聲明具題到日再議等因題駁去後今據該署撫疏稱研審各犯供
稱當日上盜之時區英嚴上恭嚴德全均係在外把風未經進屋卽
梁亞窩續入亦在嚴方元等細截事主之後皆未目覩故到案之初
未曾供及迨研審之時仍稱不知卽周朝士入門之際亦未見嚴方
元撬門截傷事主羅超北之事止見嚴方元等同行細縛緣到案心
慌未及供報迨復審時因陳文進已將細截事主備細供明故未復
贅寔非因嚴方元已故梁國戶梁亞五在逃而遽將細截事主之事
曲爲脫卸也反覆駁詰矢口不移則細截事主寔係嚴方元梁國戶
梁亞五而非區英等下手細截已無疑義再當夜在外把風之區英

等四盜羅超北固不及見卽在內遍搜贓物及嚴方元等塗面行走
在羅超北亦難細認惟據該縣喚訊羅超北供稱當夜被刀截傷與
被細縛之三盜內一人係高大肥胖兩人係新會上語今驗現在各
盜並無高大其身又無新會之語是皆非下手細截之犯事主供認
確切更無疑義再區英劫後潛逃前縣票差楊昇踴緝該差說知區
英之父區健君及伊堂弟區章見而捉送庶免波累此捕役查問該
犯家族之恒情今區章見區英到家卽爲獲送寔非楊昇協同查獲
亦非該縣着令緝拿是與親屬捕送到官者無異經縣詰訊委無遁
情將區英周朝上梁亞窩嚴上恭嚴德全均照原議擬斬立決并聲
明區英寔係堂弟區章親行捉解應照強盜聚眾至十人者係大功
以上親屬首告例發附近充軍但該犯係本案盜首仍照任六詔之
例發邊衛充軍該犯雖事在乾隆二年四月十六日

恩赦以前然旣因親屬獲送照例減等應不准援免周朝上梁亞窩嚴上
恭嚴德全均屬情有可原其區英等各犯並無妻室已取印結送部
并請將任六詔等擬軍成案永著爲例等因具題除嚴方元先于取
供後在陽春縣監病故陳文進於行劫梁朝用案內已經正法均不
議外該署撫旣稱審明細截事主委係嚴方元梁國戶梁亞五實非
區英等下手細截區英係伊堂弟區章捉送寔非縣差協同查獲亦
非該縣着令緝拿與親屬捕送到官者無異等語盜首區英應如身
自首法免死減等但查乾隆四年九月初七日題准定例嗣後如未
傷人之盜首能于罪未發而自首者照任六詔之案僉妻發邊衛充
軍至聞拿投首者照情有可原例僉妻發遣如無妻室者仍照例改
發雲貴川廣烟瘴地方倘有親屬首告亦分別照例辦理等因具題
在案今區英係伊大功堂弟區章聞縣緝拿捉送到官不應如該署

撫所議照任六詔之案發邊衛充軍應改依盜首聞拿投首照情有
可原例刺字發遣該犯係免死減等發遣之犯與乾隆二年四月十
六日

恩赦不符不應援免該署撫請將任六詔之案永著爲例之處業經分別
定例在案毋庸再議其並未細傷事主擬以情有可原之周朝上梁
亞窩嚴上恭嚴德全均照例刺字免死減等發遣該署撫既查明區
英周朝上等俱無妻室應照例酌發雲貴等省烟瘴地方交該管官
嚴行管束該署撫原疏內既稱起獲籐牌牌刀月鏢木棍鉄鑽順刀
及遣下火毬竹梯飭縣分別銷燬改充軍器餘械俱供丟棄無憑起
追嚴方元在陽春縣監病故訊明禁卒並無凌虐情弊研訊各盜並
無同居親屬知情分贓毋庸查究等語均應如該署撫所議完結已
起之贓給主未獲贓物將各盜家產變賠逸盜梁利忠梁國戶梁亞

五應令嚴緝務獲審擬具題再該署撫疏稱本案盜夥共一十八人已
獲取供後在監病故及歸案正法共二名現犯五名未獲三名獲賊
已經過半盜首已經獲送並無窩線原叅疎防各官應請開復等語
查此案先經該撫咨叅吏部將疎防之陽春縣黃泥灣巡檢張弘舒
知縣萬諏均照例各罰俸一年限一年緝拿在案今該撫既稱盜夥
共一十人已獲取供後在監病故及歸別案正法共二名現犯五名
未獲三名獲賊已經過半盜首已經獲送並無窩線原叅疎防各官
應請開復等語應將陽春縣黃泥灣巡檢張弘舒知縣萬諏原叅限
一年緝拿之案均准其查銷至原叅疎防武職先據該撫以獲賊過
半盜首已獲並無窩線報部業經兵部照例免議在案應毋庸再議
再該署撫原疏內稱監斃盜犯嚴方元一名管獄官與承審各官均
得免議職名毋庸開報等語查定例承問官將正犯取有口供監斃

四人以下者免議又定例管獄官將盜犯已經取供審明後在監病故四人以下者免其議處等語應將監斃盜犯嚴方元一名之承問官及管獄官均照例免議奉

旨依議

謀殺案內爲從加功之犯自首不准減等

刑部稟報事會看得仙遊縣民張焯等謀死陳添移屍圖詐張科一案據原署福建巡撫王 將張焯擬斬監候何道擬絞監候等因前來據此應如該署撫所題張焯合依謀殺人 意爲首者斬監候律應擬斬監候秋後處決柯進合依從而加功者絞監候律應擬絞監候秋後處決俱各照例刺字再該署撫疏稱柯 自行投首得以拘獲張焯正兇且係爲從之犯若仍依律擬絞似 見無所區別柯進應否減等未敢遽請理合聲明統聽部議等語查 內損傷于人不在

自首之律今柯進係聽從張焯指使搥傷陳添腎囊致斃之犯與自首之律不符應將該署撫所請柯進應否減等之處毋庸議等因乾隆五年六月十九日奉

旨張焯依擬應斬柯進依擬應絞俱着監候秋後處決餘依議

謀財殺人雖經無服之親首告不得牽引得免所因之文議結

乾隆六年六月刑部會議覆孫穩殺死不知名陳姓人一案據東撫宋 疏稱孫穩曾在江南與河南人陳姓合夥販魚迨乾隆四年十一月內孫穩因販魚折本欲圖陳姓盤費回家詐稱伊兄有錢勸令陳姓隨伊同歸陳姓依允一路盤費皆係陳姓錢文十二月初五日將及抵家孫穩因慮盤費無償頓起殺机起更時分乘隙投刀扎傷陳姓左太陽倒地又連扎其頂心耳垂等處復用車繩勒勃項剝取襖褂等物推車投奔伊妻兄白三現家白三現見其衣染血跡詢問

孫穩捏稱鼻破所染孫穩仍欲外出當經曰三現強送歸家伊妻白氏復問其衣上血跡孫穩又稱與夥計打架所致住家兩日仍推車外出嗣經白三現門前河有無名人被勒身死尋覓血跡知係孫穩所殺當起平邑首告旋經捕獲審認不諱查律內凡殺傷于人而自首者得免所因之罪若于法得相容隱者爲首聽如罪人自首法無服之親亦得減一等等語今孫穩圖財殺死陳姓應擬斬決但係伊妻兄白三現首報伊姪孫慕義領同捕役拏獲將孫穩擬斬監候刺字等因具題查例內稱自首免罪若于法得相容隱之親屬爲之首聽如罪人身自首法註云小功總麻親首告減三等無服之親得減一等等語此統指凡犯罪者而言若犯殺傷于人律文原不准首告律註內得免其所因之罪亦以本犯既經自首應從末減與凡犯罪自首條內之全免其罪者大相懸殊而親屬代首又豈得一例援引此案孫穩圖財殺死陳姓係伊妻兄白三現畏罪首告該撫將孫穩引無服之親首告亦得減一等之律免其所因之罪寔屬牽混其犯罪自首與親屬首告其減免大有差等今因無服之親首告遽免其所因之罪是與犯殺傷人而自首者之科擬全無區別况無服妻兄並非律得容隱之親屬亦不在如罪人身自首法內事關圖財謀命難容輕縱應令該撫詳慎查核按律妥擬具題到日再議可也奉

旨部駁甚是依議

狃人夥劫殺死事主二命于兩年後始行報首仍作自首論

乾隆六年七月刑部會議得盜犯鄧十花名牛肉等行劫陳啟輝等家寮房傷死事主張聲麟張美恭二命一案據署廣撫楊疏稱鄧牛肉等各盜俱係廣東連山縣狃人鄧牛肉因貧乏食往鄧三花名狃黃家借貸適唐亞焦唐番頭先在鄧狃黃家向火各訴窮苦鄧牛

肉遂起意欲往廣西行劫 亞焦等允從鄧牛肉復糾沈草鞋巴鄧担豆鄧買豆鄧凹爛銀鄧樵蟻沈兎兒鄧螞蝗唐大面鄧觀祐鄧標九鄧皮屯鄧大鼻鄧羅運唐行當等共夥十八人各帶乾糧于乾隆二年二月十一日赴天塘嶺會齊起身分執刀鎗木棍十三日夜半時分走至廣西賀縣茅坪地方見有燒炭客人陳啟輝等所居寮房山僻無隣佑可以行劫唐亞焦取火點燃油捻群往寮房門首聲呼唐亞焦唐番頭力大先打開笆壁進內遇事王張聲麟持棍冲出唐亞焦將竹鎗戳傷張聲麟左腿唐番頭舉棍打傷張聲麟左眼腎囊當卽身死又有事王李觀生張美恭疾忙走出唐番頭棍打李觀生額顛唐亞焦戳傷張美恭左脇越十日張美恭因傷殞命鄧買豆鄧凹爛銀鄧樵蟻唐大面鄧担豆沈草鞋巴等六盜在外把風鄧牛肉等擁入寮內事王江材王將鄧羅運所持小鎗打断奔脫唐亞

焦將刀砍開竹篔割取衣服併鍋頭等物各盜分携奔逸各事王先驚避寮後俟群盜去久始敢回寮分投保甲報知營汛率帶多人四路追拿次日下午鄧牛肉等行至火焰冲地方因腹中飢餓同寨民李祥學索食李祥學見猺衆勢猛不能與抗給與小猪一口糟酒一罐各盜食畢恐人追趕令唐亞焦唐番頭斷後餘盜先行旋爲汛兵鄉甲追及放鎗打傷唐亞焦唐番頭而鄧牛肉等心慌隨將所劫之贓沿途丟棄奔回苟立巴嶺上將棄剩餘贓俵分而散事王陳啟耀等同汛兵檢回所棄贓物報縣驗訊嗣據李祥學到官供有廣東猺人向索猪酒情由移提猺頭唐大頭供出盜犯姓名屢經盜犯鄧牛肉等十一名在廣東理猺廳先後投首屢審供認不諱將鄧牛肉鄧猺黃鄧螞蝗鄧凹爛銀沈兎兒鄧買豆沈草鞋巴鄧樵蟻鄧担豆擬以斬梟照例刺字唐行當緝獲另結併報明各盜聞擊投首鄧牛肉

應僉妻發遣鄧担豆首出首盜應免罪鄧猗黃等均應減等擬徒等因具題前來除夥盜唐亞焦唐番頭鄧皮屯鄧大鼻鄧標九鄧羅逕均在家病故鄧觀祐在賀縣監鄧大面在平樂縣監病故併鄧牛肉等各盜強索李祥學猪酒輕罪均不議外查鄧牛肉鄧猗黃鄧嗎哩鄧凹爛銀沈兎兒鄧買豆沈草鞋巴鄧檇蟻鄧担豆例應斬梟但該署撫旣稱鄧担豆首出盜首鄧牛肉鄧牛肉等各盜俱聞拿自首且行劫一次並未傷人等語應如該署撫所題鄧牛肉合依未傷人之盜首聞拿投首照情有可原僉妻發遣例僉妻解部面上刺字咨送兵部發寧古塔給披甲人爲奴夥盜鄧猗黃鄧嗎哩鄧凹爛銀沈兎兒鄧買豆沈草鞋巴鄧檇蟻均應照知人欲告而自首者減罪二等律杖一百徒三年至配所折責四十板鄧担豆應照夥盜首出盜首卽行拿獲者全免其罪例免罪逸盜唐行當嚴緝務獲另結已獲贓物給還事主未獲贓物併索李祥學猪酒均于各盜家屬名下照數追賠再該署撫疏稱本案盜犯共十八名已獲十一名病故六名止有唐行當一名未獲並無窩家引線原叅疎防各官應請開復賀平二縣監斃盜犯各一名管獄官職名例應免開等語查定例管獄官將盜犯取供審明後在監病故四人以下者免其議處等語除賀平二縣監斃各一名之管獄各盜官均照例免其查議外至此案先經道調任高雷廉道黃岳牧均照例罰俸議結在案毋庸再議其承緝之賀縣典史盧進原叅降一級留任再限一年緝拏之案應准其查銷至此案疎防武職于三叅限滿經該督咨叅同縣十八名已獲十一名病故六名未獲一名業經兵部將原叅揣汎把總陳建功照例免議在案應毋庸議再該署撫疏稱查鄧牛肉于乾隆二年糾夥行

劫至四年十一月內始據鄧担豆同鄧猗黃等投首鄧牛肉已知鄧担豆首出該犯姓名又延至五年正月內始同唐大面沈草鞋巴投首其投首之時相距行劫兩年有餘因查拏甚嚴自知不能漏逸遂借投首名色希圖寬減似與傾誠悔過聞拏自首者不同且該犯等糾集多人越省行劫殺死事主二命強橫兇殘均非善類照例減免實屬罪浮于法相應聲明應否照例寬免之處聽候部議等語查鄧牛肉等因查拏甚嚴于行劫兩年後始行投首但究係聞拏自首且例內並無強盜投首遲延不准寬免之條况殺死事主二命之犯該署撫既經審明係病故之唐亞焦唐番頭而鄧牛肉等各盜俱未傷人與自首免罪之例相符應將該署撫聲明應否寬免之處毋庸議奉

旨依議

姦夫自殺本夫姦婦令伊弟投首免死

刑部爲報明地方事會得王地與徐氏通姦扼死氏夫沈高拋屍一案據原任蘇撫徐 疏稱王地與沈高居住隣近沈高好酒開蕩與妻徐氏不和王地時相解勸嗣沈高往廟看戲王地乘間與徐氏通姦王地欲謀死沈高娶徐氏爲妻乾隆五年二月初三日王地約同沈高并徐氏之弟徐舍偕往飲酒沈高醉歸中途王地欲推沈高下河徐舍不允將沈高扶回至二十三日沈高復與徐氏藉口欲挈徐氏遷往吳江王地聽聞遂起殺機又慮徐舍阻破是晚喚徐舍飲醉王地拉徐舍至沈高家徐氏尚在外聞紡紗王地向徐氏詢知沈高已睡王地卽進騎于沈高身上用手緊扼咽喉喚徐舍相替徐舍見而驚慌近欲上前解救沈高業已氣絕王地禁阻徐舍不許聲張徐氏趨進見夫已死尚欲喊叫王地嚇阻王地復將屍細縛嚇令徐

舍帮同扛至徐青濱邊將屍拋河而回徐氏與弟徐舍相商出首王地探知嚇阻拘管不容出門嗣經總甲以無名屍報縣驗檢王地欲與徐氏成親徐舍不甘乘于地外出向徐氏說明赴縣投首拘拿王地徐氏到案屢審不諱除于地在監病故不議外將徐氏擬絞監候等因應如該撫所題徐氏合依姦夫自殺其夫姦婦雖不知情律擬絞監候秋後處決徐舍被逼棄屍究無加功情事已據赴官投首應

照自投律免罪乾隆六年十二月初三日奉

旨徐氏令伊弟徐舍赴該縣投首將王地拿獲情尚可原徐氏從寬免死照例減等發落餘依議

謀殺自首及全謀持械不加功治罪

刑部為仇殺弟命乞驗究償事會議復廣東巡撫王 䟽稱徐振勳價買李姓糧田六畝徐隸捷頂耕後因冲荒退還振勳備本墾復穎

捷房親徐應儀意欲奪耕捏稱公田勒贖互毆控縣將應儀責懲乾隆六年三月穎捷外出回家見田墾復并聞轉批多得頂銀遂向振勳索找不允而散應儀偶至穎捷家穎捷告以向振勳找價不給并稱遇見拚命應儀亦稱振勳可惡動輒告累之語比振勳見穎捷索找又阻耕搶犁不甘復控縣拘究穎捷聞知愈忿殺機頓起商之應儀允諾五月二十七日應儀全振勳李華光自縣搭船回家應儀先走告知穎捷穎捷拿刀先至蔗林藏躲振勳走至穎捷持刀突出扭住振勳胸前舉刀向戳振勳傷重殞命應儀携鋤出至村外望見振勳被戳在地未經到場即轉回家穎捷持刀赴縣自首投監屢審不諱查律載親屬相毆服盡至死以凡論又謀殺人造意者斬名例內開損傷于人而自首得免所因之罪仍從故殺傷法等語徐振勳係徐穎捷徐應儀無服族兄徐穎捷造意下手但係到縣自首得免所

因除找索阻耕奪犁輕罪不議外應照親屬相毆服盡至死以凡論故殺者斬律擬斬監候照例刺字徐應儀持鋤出獲並未到場帮殺合依謀殺人從而不加功者擬流等因具題前來應如所議完結乾隆七年五月初十日奉

旨徐穎捷依議應斬着監候秋後處決餘依議

逃人自首兇鞭刺

刑部爲咨解事署福撫王 咨稱正紅旗滿軍榮錫嘏佐領下另駐防已故逃兵張廷策之子張陞並母盧氏自行投首一案查例內逃人自行出首者免鞭刺等語今張陞盧氏等係自行出首不應照一年以外自回例鞭六十均應照例免罪並免納贖逃冊圈銷將張陞全母盧氏弟小瑞一併交旗管束餘俱如該撫所擬完結可也乾隆七年 月福撫准咨

行竊拒捕致死事主悔懼投首免其所因改擬開殺

乾隆八年二月刑部議覆鶴山縣民黎亞受偷菜被逐拒毆致傷順德縣民盧士科身死一案據廣撫王 疏稱黎亞受與盧士科均屬貧民寄居南海縣地方種菜度活園地毗連乾隆七年四月二十一日五更時分黎亞受挑筐往地摘菜窺見盧士科園菜茂盛頓萌竊念走入盧士科園地偷摘莧菜二十餘觔尚未入筐適盧士科撞見叱喝黎亞受驚慌棄菜跑走盧士科赶上扯住菜筐黎亞受以挑菜竹棍轉身相拒與圖嚇退不期戳傷盧士科右眼胞盧士科放手黎亞受當卽奔逃盧士科仍復叫喊趕追黎亞受情急又以竹棍抵戳致傷盧士科右領頰時值下雨塘路滑盧士科失足仰跌基邊墊傷右腰服黎亞受扶救伊子盧亞勝聞聲趨至黎亞受奔避盧亞勝扶救不效移時殞命盧亞勝報驗通詳批飭審究隨據黎亞受赴縣投

到屢審供認不諱查律載盜田野菜果計贓准竊盜論有拒捕依罪人拒捕竊盜傷人自首但免其盜罪仍依聞毆傷人律論名例內載因犯殺傷于人而自首得免所因之罪仍從故殺傷法等語黎亞受偷摘莧菜業經棄財逃走事主追逐因而拒捕截跌致傷盧士科身死畏罪投首應照例免其所因偷菜拒捕之罪合依故殺法律擬斬監候照例刺字再查黎亞受偷盜園菜丟棄逃走因事主追赶情急拒捕殺人照律擬斬監候論法固無可寬但該犯遵法自首仍從故殺律斬候則自首與不首同一擬斬並未輕減且罪人拒捕殺人遇赦律得援免今因自首仍從故殺法例載遇

赦不宥是不因自首而得寬轉因自首而加嚴恐無以開自新之路可否免其所因偷竊拒捕之罪比照聞殺律擬絞理合聲明聽候部議等因具題查名例內因犯殺傷于人而自首者得免所因之罪仍從故殺傷法一條經律例館奏准新書內仍從故殺傷法語未明斬且不該括應改從本殺傷法等語再臣部奏明凡舊例本重而新例改輕者即引用新書聲明改正等因在案黎亞受偷竊園菜業已云棄逃走因事主追逐情急拒捕致傷事主滑跌身死並無謀故別情後經悔罪遵法自首黎亞受應免所因偷竊拒捕之罪照律例館奏准新書改從本殺傷法本聞殺者絞律擬絞監候秋後處決並免刺字該撫既稱本案訊無同夥窩線亦無同居親屬知情分贓所竊莧菜業經事主之子拾回行兇竹棍據供丟棄無憑起追均無庸議等語應毋庸議奉

旨黎亞受依議應絞著監候秋後處決餘依議
事未發親屬稟首照律免罪

乾隆九年三月刑部會議覆盜犯何能高等行劫清遠縣民何孔臣

家衣布致傷事主之子何芝榮一案據廣撫王 疏稱緣盜首劉朝連與事主何孔臣家相近探知其家頗有積蓄起意行劫乾隆七年四月初四日在村外撞遇劉締德談及貧苦劉朝連告以何孔臣家有財物遂同夥刦劉締德應允劉朝連又往邀伊甥鍾世金及鍾亞長鄧朝柱鍾世金又轉邀何能高鍾亞長亦轉邀鍾雲青約定是在大綱嶺背聚會各盜如期畢集行至中途又遇湯雲美陸侯邦在田看水劉朝連等亦邀入夥共黨九人鍾世金攜帶鈎鐮刀油捻何能高攜帶牌刀劉朝連鍾亞長湯雲美陸侯邦各執竹木棍餘俱空手二更時分齊至事主門首劉朝連鍾雲青陸侯邦鄧朝柱劉締德在外把風瞭望鍾世金將所帶火鐮煤石取火燃點油捻分給何能高一枝何能高推開左邊竹門同鍾世金湯雲美鍾亞長入事主之子何芝榮屋內因無箱櫃逐由橫門轉入事主何孔臣右房何能高

見有竹簣一個料有銀錢肩背而出何芝榮叫喊捉賊湯雲美鍾亞長聞聲心慌亦即奔走何芝榮出屋叫追鍾世金在後刀傷何芝榮右手腕右臂膊而遁各盜齊至受田坑地方鍾世金赶上告知砍傷事主情由何能高等隨將竹簣開視止有舊爛衣褲九件裹肚二條布襪一雙絡布一疋並無銀錢劉朝連深自追悔各盜亦怠于分贓湯雲美將絡布扯作三截與舊爛衣服約畧分開令各檢取鄧朝柱劉締德見值錢無幾均不分受餘則隨取數件而散事主報縣會勘當據地保劉締簡出首胞弟劉締德形跡可疑獲送劉締德到案訊據供出夥黨姓名陸續緝獲何能高等而盜首劉朝連聞拿畏罪在家自縊身死鍾世金亦在家自刎經縣據稟驗訊併于鍾世金家起出原贓旋據鍾亞長抱贓赴縣投首其鍾世金刎傷亦愈弔齊訊供並查明劉朝連縊死情由先後通報飭審據將聽糾入夥上盜分贓

各寃情供認如繪贓經事主認領其爲本案正盜無疑將何能高湯雲美鍾雲青陸侯邦均依強盜已行得財皆斬律擬斬立決刺字鍾亞長擬徒劉締德自首免罪併聲明各犯皆係聽糾入夥並未傷人止行劫一次均屬情有可原何能高有妻李氏陸侯邦有妻雷氏鍾雲青湯雲美並無妻室等因具題除盜首劉朝連在家自縊身死及刀傷事主之夥盜鍾世金取供後在監病故均不議外該撫既稱何能高湯雲美鍾雲青陸侯邦皆係聽糾入夥並未傷人止行劫一次均屬情有可原等語應照例免死減等行令該撫遵照乾隆八年八月內九卿議覆臣部左侍郎盛 條奏將有妻室之何能高陸侯邦解部發三姓地方八姓一千兵丁爲奴其無妻室之鍾雲青湯雲美亦一并解部發給八姓一千兵丁丙年壯強幹之披甲人爲奴責令拘管仍飭該管各官設法稽查毋致疎縱該撫既稱鍾亞長聞拿抱

贓自首應照知人欲告而自首者減罪二等律杖一百徒三年至配所折責四十六板俟徒限滿日遞回原籍安插嚴行管束不許出境劉締德係事未發時伊親兄劉締簡稟首聽如罪人身自首法應照犯罪未發而自首者免罪律免罪已起贓物業經給領未獲之贓應查盜產交贖已起盜械分別改充軍器燒燬劉朝連已死上盜木棍無憑起追逸盜鄧朝柱飭緝獲日另結各犯並無同居親屬知情分贓毋庸置議各盜該管保甲雖據訊無知情賄縱但失于查察亦屬不合甲長劉朝舉鍾君燦湯以光鍾君佐鍾士峯鍾台輔均應照牌頭笞四十例減一等笞三十練總鍾湯成應減二等笞二十時逢熱審均照例寬免地保劉締簡業經出首劉朝芳因伊胞弟劉朝連係畏罪自盡殮埋不報情有可原均應免議等語均應如該撫所議完結再該撫疏稱本案劫盜同夥九人現犯六名已獲取供後在監病故

一名刼後畏罪在家自縊身死一名獲賊已經過半盜首亦已在家
縊死並無另有窩線原叅疎防文武各官職名業准吏兵二部咨回
免議鍾世金係應擬斬決之盜犯于取供後因染血虛病症醫治不
痊在清遠縣監病故先經該縣訊明禁役並無凌虐情弊驗具圖結
詳繳所有監斃盜犯鍾世金一名之管獄承審各官例得免議職名
毋庸開報等語查定例承問官將盜犯取有口供未經題結一案監
斃四人以下者免議又定例管獄官將盜犯已經取供審明在監病
故四人以下者免其處分等語除此案先經該督以同夥九人已獲
八名獲賊已經過半吏部兵部將疎防各官照例免議在案均毋庸
再議外查此案該撫既稱監斃盜犯鍾世金一名之管獄承審各官
例得免議職名無庸開報等語相應照例免其查叅奉

旨依議

私造鉛錢聞拿自首應照例減等駁

刑部爲拿獲詳解事會看得宋楚義等私造鉛錢一案據浙撫常
疏稱緣宋楚義向用鉛錫澆造鈕扣生理寄居妹夫朱仁遠家貧苦
無聊揀有順治康熙錢文年久黑色念及用鉛澆煮與舊錢一色可
以攙用遂將鈕板磨去刻成錢文字樣煇鉛澆鑄因十澆九壞僅鑄
成鉛錢九十五文令朱仁遠買礬煮黑分用後因錢板破碎隨即停
止旋據縣役拿獲朱仁遠並據宋楚義投首屢審不諱將宋楚義私
造鉛錢例擬絞朱仁遠爲從例擬流但宋楚義私造鉛錢爲數無多
並未販賣一聞訪拿卽行投首朱仁遠雖係知情並未帮造俱情尚
可原可否末減聽候部議等因具題前來查宋楚義等私造鉛錢均
干法紀雖應遵照定例分別絞流但查名例內知人欲告而自首者
減罪二等等語今宋楚義私造三日卽行停止且所造之錢僅止九

十五文為數無幾寔屬法重情輕况該犯既有聞拿自首一節即應與知人欲告而自首者一例同科乃該撫並不按例減等止于疏內聲明該犯情尚可原可否量為未減聽候部議又不將該犯情罪因何不便照例即與減等完結之處據寔聲明事閔生死出入輕重懸殊碍難率定至朱仁遠代為買贖並未帮同私造其分用錢文四十二文係朱楚義所給當與圖利買使者有間擬流亦覺過重亦應援例酌減始為允協應令該撫再加詳核分別妥擬具題到日再議乾隆九年三月十二日奉

旨依議

臨時行強並無執械搶奪問擬自首減等

刑部為訪拿解究事會看得徐功振等謀竊僧人醒涯稻穀臨時搶其錢物一案據江撫塞擬題前來查律載強竊盜知人欲告而于財主處首還者減罪一等同居大功以上親代首者皆以罪人自首同無服之親減一等等語又康熙十六年臣部議復浙撫陳秉直題盜犯張龍等行劫事王戴文宇家因無兇器將盜犯比依搶奪人財物擬杖徒完結在案又乾隆八年三月內定例如有輕重失中律例未協之處仍聽該撫援引成案臣部等衙門詳加察覈將應准應駁之處于疏內聲明請

旨等語今該撫既稱徐功振等三人雖帶有扁挑原為挑穀之具放于門外與張龍之成案相符等語應如所請徐功振起意為首合依搶奪為首律杖一百徒三年倪得俚倪普倪丕子吳安倪俱合依為從律各杖九十徒二年半再徐功振倪得俚倪丕子吳安倪等聞知醒涯赴縣欲控之時即自首明寔情交還贓物倪普倪雖未同首但係胞兄倪得俚代首應全自首論均應照律減二等徐功振應徒二年

例案續增 卷二
至配所杖八十倪得俚倪普倪丕子吳安俚應徒一年半至配所杖七十徐痴子止知行竊未入廟門不知徐功振等搶奪情事應照竊盜贓一兩之下爲從律杖七十係伊無服之親徐功振代首應照律減一等笞五十時逢熱審照例寬免均係自首照例免刺乾隆九年六月二十日奉

旨依議

行劫數家止首一家仍與未首之夥盜均擬爲奴

乾隆九年七月刑部會議復盜犯鄭明鏡等在安南外洋行劫客民蔡仰隆譚奇全等兩船銀兩并搶奪張文輝等船內酒米一案據廣撫王 疏稱除盜首鄭明鏡夥盜林萬貴審供後在監病故及河元興等搶奪輕罪均不議外將何元興鄭亞賴黃日章卓帝簡鄧林新鄭世明岑君舉麥竟滔蘇尚珍李茂舜鄧聯達陳應龍何廷王子倫

均照江洋行劫大盜例擬以斬梟併聲明何元興等均屬情稍可原聞拿自首之周德欽何元相麥如高潘萬秋何文輝張有德王亞祐王文忠麥如金麥亞五自首不盡均照例擬以發遣受贓隱匿不行捕送之營兵鍾濟韻依受財故縱律擬絞王子英依故縱爲從減等律擬流附請留養并聲明周德欽等及鍾濟韻應否量予未減統候部議鄭子超擬杖逸賊黃鼎珍黃濱山緝獲另結等因其題除盜首鄭明鏡夥盜林萬貴在監病故及何元興等搶奪輕罪均不議外應如該撫所題何元興鄭亞賴黃日章卓帝簡鄧林新鄭世明岑君舉麥竟滔蘇尚珍李茂舜鄧聯達陳應龍何廷王子倫均應照例免死減等行令該撫查明該各犯妻室解部發往三姓地方給八姓一千兵丁爲奴再該撫疏稱周德欽羅振興何元相麥如高潘萬秋何文輝張有德王亞祐王文忠麥如金麥亞五俱係聞拿投首但周德欽

于投首時止據供認行劫蔡仰隆之船其行劫譚奇全之船未據出首羅振興等在後投首亦止自認搶奪得贓其行劫譚奇全一案亦未明白供報周德欽等均應照行劫數家止首一家例發黑龍江給披甲人爲奴惟是緝獲之何元興等現今聲明情稍可原將來得邀免死減等發遣爲奴若將自首之周德欽等亦擬爲奴則自首與緝獲者毫無區別周德欽等應否末減聽候部議等語查律載強盜已行得財者不分首從皆斬又例內強盜行劫數家止首一家者發黑龍江給披甲人爲奴各等語今何元興等所犯按律擬斬立決其分別情有可原得邀免死減等發遣爲奴者乃法外之仁並非律得免死至周德欽等聞拿自首不盡定例止擬發遣乃屬法所應坐各有正條毋庸牽引止不得以曾經自首問擬爲奴與未經自首者無所區別更從末減周德欽羅振興何元相麥如高潘萬秋何文輝張有

德王亞祜王文忠麥如金麥亞五等均應照強盜行劫數家止首一家律解部發遣再該撫疏稱營兵王子英雖分防黃山汛然黃山與暗鋪同在一處暗鋪有盜黃山汛兵亦應捕送乃王子英與暗鋪兵鍾濟韻賃船與何廷王子倫約同何元興等由暗鋪汛下船出口捕魚因而行劫仍歸暗鋪事後查知不卽捕送反敢收受贓物代爲隱匿鍾濟韻合依受財故縱與囚同罪至死律擬絞監候但查夥盜何廷等現據聲明情稍可原將來例得減等發遣爲奴而事後受財之鍾濟韻應擬絞候則輕重不得其平鍾濟韻應否量與末減統聽部議等語查律內凡在官應捕人承官差追捕罪人受財故縱者與囚同罪名例內凡稱同罪者減一等受財故縱與同罪者同科至死者絞再查例內承緝盜案汛兵有審係分贓通賊者均與盜賊同科至死者減一等杖一百流三千里併免刺等語是受財故縱與分贓通

賊律例所載情罪各別難容牽混如係承差追捕罪人受賄將重囚賣放懸案難結罪有攸歸是爲受財故縱故與囚同罪至死者絞若止于盜後知而分贓別無縱令脫逃情事則與受財者有間今汛兵鍾濟韻質船與何廷等捕魚原不知其行劫迨回船之後疑惑盤出因而分贓隱匿不報何廷等旋經拿獲並未逃逸鍾濟韻正與汛兵分贓通賊之例相符應將鍾濟韻改依承緝盜案汛兵分贓通賊例杖一百流三千里免剝再該撫疏稱王子英除徇縱胞兄王子倫律得容隱原情應減輕罪不議外其故縱何廷合依爲從減一等律杖一百流三十里該犯有母柯氏現年七十四歲止生王子倫王子英並無次丁今王子倫已擬斬梟而王子英又問流配則柯氏無人侍養取有印結送部照例枷責存留養親等語查分贓通賊爲首之鍾濟韻既經照例改正擬以杖流則爲從之王子英應照例減一等

杖一百徒三年該撫既查明該犯有母柯氏現年七十四歲除王子倫王子英外並無次子應照例將王子英枷號一個月滿日責四十板准其存留養親該撫既稱鄭子趨借錢與鄭明鏡買米出海捕魚雖非同謀接濟行劫但盜後知情得贓應照律計所分之贓准竊盜爲從減一等杖七十先行發落楊進被劫失去錢文被面雖不應聽從還贓分贓但因索取贓銀不遂隨將盜犯鄭世明等姓名通知兵丁卽行拿獲似與彼此詰發互相告言亦同自首之律相符應照律免罪與審屬無干之何士相先行摘釋盜船二隻變價入官逸盜黃鼎琛黃濱山飭緝獲日另結等語均應如該撫所議完結再查定例奸船出入海口若遇夫事將守口官罰俸一年等語應將失察各盜出口入口之遂溪縣典史王元烈原任遂溪縣今調補昌化縣知縣李九標專汛海安營右哨于摠方永期均照例罰俸一年查方永期

任內有絕錄三次應銷去紀錄二次抵罰俸一年免罰俸海安營右哨外委把總鄧奇已經解退應無庸議又定例兵丁窩隱盜賊受賍者專管官降二級調用兼轄官同城者降一級調用不同城者降一級留任統轄官降一級照舊管事等語除失察兵丁鍾濟韻等分贓縱盜之專汛化石營左哨把總張英已于本案斥革毋庸議外應將協防外委把總莫文非照例降二級調用無級可降相應革退至兼轄陞任化石營都司劉文燦是否同城併統轄職名例有處分行令該督查明補叅到日再議再該撫疏稱盜首鄭明鏡係應擬斬梟之犯于審供後在南海縣監病故夥盜林萬貴係應擬發黑龍江為奴之犯于審供後在番禺縣監病故監斃盜犯二名管獄承審各官例得免議等語應毋庸議奉

旨依議

細毆事主之首盜自首仍准減等發遣

刑部為訪明被劫事會議盜犯李奇山等行劫荆保聖家一案據河撫碩疏稱除李奇山李金姚珍行竊史鐸家輕罪不議外將李奇山李金姚珍俱擬以斬決刺字并聲明李金姚珍俱情有可原李奇山係伊胞叔李言帶領投首將李奇山擬以發遣等因具題前來查該撫既稱李金姚珍俱係隨從上盜並未細打事主各止行劫一次情有可原李奇山係此案盜首雖捆縛事主並毆打事主之妻尚未成傷事發拘拏經伊親叔李言帶領投首應照情罪可原例發遣等語應將李金姚珍李奇山俱免死減等照例刺字行令該撫會妻解部發遣諱匿不報之事主荆保聖失于查報之保正張篤臣俱合依不應重律杖八十乾隆九年八月十七日奉

旨依議

行劫三次以上夥盜自首照盜自首例擬軍例

刑部為呈報事會看得河撫碩 題盜犯于黑兒行劫商邱縣民夏

煊家一案該撫疏稱于黑兒行劫杜可法杜守志家賈天福家高繼

世家李禱家及此案均係隨從把風並未下手傷人于事未發俱已

自行投首合依犯罪未發而自首律免罪等語查跟隨為從盜犯能

于事未發覺之先自行投首例內原有寬免之條但查于黑兒一犯

行劫五次本係決不待時之犯與行劫一二次者不同若止因其盡

數首出即行全免按其情罪尚覺未甚平允况此輩久慣行劫悍惡

成性留于原籍地方亦不足以警克頑而安良善臣等酌議請嗣後

盜案內夥盜除行劫一二次者于事未發之先將行劫次數盡行首

出仍照例免罪外如係行劫三次以上事未發覺而自首者應比照

未傷人之盜首事未發而自首例僉妻發邊衛克軍其行劫三次以

上聞拿投首亦照未傷人之盜首聞拿投首例僉妻發遣倘蒙

俞允此案于黑兒係行劫五次自行投首之犯應請照此例僉妻發邊衛

克軍仍行文該撫將杜可法杜守志賈天福家各案作速審明到日

即將于黑兒照例發遣俟

命下之日通行直省各督撫一體遵行乾隆九年十二月內奉

旨依議

強盜事發親屬拿送到官擬遣

刑部為強賊劫家傷命事會議得行劫何臣源等家案內續獲盜犯

何殿璽一案據廣撫楊 將何殿璽擬以斬梟併聲明該犯情屬可

原又係伊小功堂伯何奕榮拿送到官照例擬軍等因具題前來該

撫既稱何殿璽係聽找入夥並未傷人且止行劫一次又係伊小功

堂伯何奕榮獲送到官等語應如該撫所題何殿璽應照強盜親屬

例何殿璽應僉妻解部面上刺字咨送戶部遵照雍正十一年八月二十六日題定發往齊齊哈兒等處給兵丁爲奴種地未獲贓物將該犯房屋變賠未獲逸盜何瑞連羅得相應行令該撫嚴緝務獲審擬具題可也奉

旨依議

自首收捐監規免罪

安撫準 爲查明首報捐監陋規等事具奏六安署知州宋敷首報于上年十月二十一日調赴安慶會審案件至十一月三十日回署查有公出後投捐俊秀四十四名循照舊規每名繳鋪倉等贖七兩六錢又倉書每名飯食銀六錢二分二共銀三百六十兩八錢現貯在庫又據署望江縣事壽州州同朱龍鑑首報投捐俊秀十九名每

名繳市平色銀五兩因公費未定原封貯庫奉到部文卽收所繳之銀每名照庫平紋銀扣出公費一兩七錢外共餘銀四十三兩七錢及書吏收受紙飯銀共十兩零俱照數給還本人取領存案又據英山令董良弼首報于上年歲底有前令任內投捐未繳穀俊秀五名面繳規禮各四五兩不等又家人小包各一兩二錢倉吏飯食各六錢當卽諭令將規禮小包銀兩抵作應繳倉各公費未定之數照額補清倉書飯銀當卽給還本生俱並無染指又據來安令高代首報上年九月投捐生俊六名共繳鋪墊銀一十四兩四錢當經稟明本州給還本生各等情前來查宋敷于未令自首之先卽行首報朱龍鑑董良弼高代等均係當時卽行抵給又遵卽自首應交部議處至各捐生所繳銀兩除英山縣已抵倉公費外六安州貯庫銀三百六十兩八錢旣非本生舉首之項仍應入官提充司庫建倉公用六安

望江英山各該倉書家人收得銀兩已據本官查追首報入官給主
前據該司議詳分別責懲倉書革役其望江來安二縣銀兩已經給
還本生若再按名追繳入官未免滋擾應請免追等因乾隆十年六
月內奉

硃批宋敷等加恩寬免餘依議

正犯留養從犯亦照因人連累減等

刑部爲報狀事會看得王倫毆死伊妻胡氏捏報自溺一案據貴督
張 疏稱緣王倫娶胡氏夫妻反目回至母家伊兄胡舜武度日胡
舜武勒王倫養贍銀三十兩經王倫告官將胡氏斷給王倫領回並
追還王倫銀兩乾隆三年正月初八日王倫堂姨夫段二至王倫家
拜年王倫言及胡舜武銀色低潮只當買他妹子胡氏卽回罵夫母
亦是買的王倫脚踢胡氏左血盆跌靠房門啼哭經敖國現勸息至

晚王倫復以前言辯論胡氏將火鉗擲擊王倫接鉗回毆適中胡氏
頂心偏左殞命王倫同敖國現負屍棄塘裡報自溺甲長冉德明等
以溺死具報作羅仕美亦混報生前被毆溺水身死旋經知縣謝
國史究出寔情自行檢舉屢審不諱將王倫依律擬絞敖國現羅仕
美段二擬以徒杖等因前來應如該督所題王倫合依夫毆妻死者
絞監候律應擬絞監候再該撫疏稱王倫寔係獨子家無承祀之人
取有印甘各結與承祀之例相符等語應將王倫應行承祀緣由附
疏聲明倘蒙

俞允卽將該犯枷號兩個月責四十板准其存留承祀至案內連累擬徒
之敖國現擬杖之羅仕美段二均照因人連累致罪正犯減罪連累
人亦准減罪一等律各照本罪減一等發落自行檢舉之道義縣知
縣謝國史照例現任內降一級留任乾隆三年 月內奉

旨王倫從寬免死照例發落准留承祀餘依議

強奪良家妻女姦估爲妻首犯留養爲從亦准罪人原免法

刑部爲查獲詳解事會看得王登容等強搶王氏一案據川撫碩

疏稱王氏係王才忠寡媳王登容于乾隆五年五月曾短僱于王才

忠家工作乘間與氏通姦至八月內王才忠將氏許醮李成德爲婚

接娶過門王登容輒糾楊才應等執棍往搶負王氏而行李成龍弟

兄向阻被傷不敢尾追王登容等遂至楊郭倫家容留三日又至何

先順家借住二日復引匿高朝奇家王登容出外楊才應高朝奇先

後與氏姦宿經該縣拿獲訊詳俱認不諱將王登容依律擬絞監候

援例附請留養楊才應等分別擬流枷杖等因具題前來應如該撫

所題王登容合依強奪良家妻女姦估爲妻妾律擬絞監候秋後處

決楊才應羅永春楊才甲均照爲從例杖流高朝奇依窩主知情律

杖流該撫旣稱楊郭倫依知情暫容留數日例枷號王氏依和姦例

杖決枷贖給夫聽其去留何先順依不首律杖責等語均應如所擬

完結再該撫疏稱王登容之母董氏年已七十四歲止有一子家無

次丁取結送部等語應將王登容所犯罪名及應侍緣由奏

請倘蒙

聖恩准其留養行令該撫將王登容枷責釋放再該撫旣稱擬流之楊才

應楊才甲羅應春高朝奇均係因人連累致罪應否亦照罪人原免

減等發落統聽部議等語查王登容如准留養則楊才應等亦應照

罪人原免減等發落各枷責完結可也乾隆六年十月內奉

旨王登容從寬免死照例發落准留養親餘依議

聽兄抄寫捏名貼照家人共犯免議准以原名復捐監生

禮部爲因親株革等事乾隆七年六月十一日准戶部文開據福撫

例案續增 卷二
王 咨稱查革監張允哲先經前撫訪拿招告開明監例咨革在案
續經照家人共犯之律免議茲據該生呈稱因親致革斥後自新懇
准援例原名捐納等情查張允哲聽從兄命致被斥革允符波累之
條且照家人共犯罪免罪情更可矜除飭令該生以原名捐納外合
先咨部等因查斥革貢監應否准其原名捐納事隸禮部應聽禮部
定議等因前來查該撫咨開革監張允哲與兄仙使販賣杉木海關
家人欲重征税銀仙使不甘遂作揭稿令允哲抄寫刊刻散貼將允
哲照投匿名文書律爲從杖流但創稿係仙使允哲應照家人共犯
律免議寔係情罪可矜查乾隆五年定例凡斥革生員除包攬詞訟
武斷鄉曲及一切寔係本身重犯于律無可貸者仍永行禁革外其
因人波累與本身事犯情有可原者准以原名考試童生監生亦許
以原名捐復等因在案今張允哲原係聽從兄命致被斥革正與因
人波累准以原名捐復之例相符等語應如該撫所請革監張允哲
准其以原名捐納監生仍知照戶部可也
正克未獲餘犯先結

乾隆五年閏六月刑部咨據署廣撫王 咨稱清遠縣民黃贊餘被
始興縣民伍江生等毆傷身死一案緣伍江生等同伴五人于乾隆
四年春間來清遠縣屬穩崗地方承批張裕才等祖遺松山砍採松
株放運出水冲壞黃蒼聖等灌田陂塘黃贊餘在于黃蒼聖家傭工
四月十七日晚黃蒼聖令黃贊餘偕黃立先黃連輔赴廠責令修復
伍江生等不允致相爭罵伍江生等卽行趕毆黃立先黃連輔畏克
奔歸黃贊餘自恃力強先用右手向打吳偉渡吳偉渡捉其右手饒
發望上前幫捉左手卽用右拳打傷黃贊餘左後肋伍江生閃過黃
贊餘背後用右拳打傷黃贊餘右耳根黃贊餘叫罵爭扯饒發望又

兩手扭黃贊餘左手轉後復用右拳打傷黃贊餘右後脇吳偉渡亦用左拳打傷黃贊餘右手背吳佐儒吳可立趨救不及黃贊餘傷重什地旋即殞命伍江生等各自奔逃黃立先等報知屍兄黃贊元稟縣緝獲伍江生吳偉渡吳可立到案究犯饒發望查緝無踪驟難弋獲餘犯未便久羈致滋拖累喚集兇犯屢審直將先後下手情形供吐如繪似非狡卸查吳偉渡認毆黃贊餘右手背一傷係不致命伍江生認毆黃贊餘致命右耳根一傷係先下手惟致命右後脇一傷係饒發望後下手所毆律載共毆人傷皆致命以最後下手重者當其重罪又犯罪事發在逃衆證明白卽同獄成各等語饒發望係最後下手傷及致命依律應擬絞抵今雖在逃而衆証已明應俟緝獲之日嚴審招解伍江生拳傷黃贊餘右耳根雖係致命並非金刃應與吳偉渡均照餘人律杖一百各折責四十板先行發落取保候緝

獲饒發望質明省釋吳可立吳佐儒奔救不及黃立先黃連輔畏兇先歸均予免議黃贊餘屍棺飭令屍兄領埋至本案自乾隆四年七月十五日據伍江生等供出正兇饒發望起扣除封印日期計至乾隆五年二月十三日六個月限滿正兇未獲所有承緝不力之清遠縣知縣余景玠職名咨吏部察議外擬合咨達等因應如該署撫所議將伍江生等分別保釋至案內未獲正兇饒發望應令該署撫嚴緝務獲審擬具題其緝兇不力職名該署撫既經咨明吏部應聽吏部議仍知照吏部可也合咨前去查報施行
首賊在逃從犯先決

乾隆七年十月刑部會議覆東莞縣民陳同上追竊拒捕被傷身死一案先據廣撫王 疏稱緣竊賊姚細祐探知縣屬姚壘尾圍居民多以織布營生起意行竊于乾隆五年七月二十七日往趨石排墟

撞遇熟識之林亞二梁亞堅梁亞富同進曾亞生店內飲酒畢後出至墟外荒埔姚細祐商同行竊姚望尾圍人家布疋賣錢分用林亞二等應允約定是夜各到福隆望外荒埔聚會是晚姚細祐又邀族人姚細窩姚亞發入夥同梁亞堅梁亞富林亞二會齊一共六人梁亞堅攜帶鉄鋏一把梁亞富姚細祐各帶石塊防身餘皆徒手三更時分潛至姚望尾圍外梁亞堅即用鉄鋏穿孔圍內居民驚覺喊拿各賊慌忙先後奔逸路由赤岡圍經過陳同上因聞犬吠出圍尋遇向前擒拿被姚細祐梁亞富各用石塊拋擲致傷陳同上胸膛倒地喊救伊兄陳炯上及鄰人聞聲出援各犯奔逃無踪當將陳同上扶回次日殞命報縣驗傷陸續緝獲林亞二等到案審據林亞二等將夥同行竊供認不諱至擲石拒捕雖據姚細祐亦已招認但致傷陳同上胸膛身死之處堅供係未獲之梁亞富在後擲中矢口不移查

律載竊盜棄財逃走事主追逐因而拒捕者依罪人拒捕律科斷又載罪人拒捕殺所捕人者斬為從減一等又律載二人共犯一人在逃現獲者稱逃者為首無人証佐則決其從罪後獲逃者稱前獲之人為首鞫問是寔還將前人依首論各等語查陳同上止有胸膛一傷既據姚細祐等供係梁亞富所擲似應將姚細祐照為從律先行擬結但姚細祐梁亞富于黑夜之中各擲一石果係誰人所擲各犯終無目擊確証或係姚細祐因梁亞富未獲故為推卸亦未可定姚細祐應照罪人拒捕殺人為從減等擬流監候待質俟拿獲梁亞富到案質明如應梁亞富擬抵將該犯僉妻發遣林亞二姚亞發姚細窩梁亞堅擬杖免刺等因具題經本部查陳同上被竊盜擲傷身死因竊盜從陳同上圍口經過陳同上聞犬吠出圍巡遇擒拿被石擲傷殞命既未認識其人又無賍証可據嗣因鄉勇楊禮臣將姚細祐

等稟報拘拿及詢之楊禮臣供稱見姚細祐林亞二等在曾亞生店內飲酒姚細祐林亞二平日原是不好人見他們形踪可疑至陳同上是否係他們傷死不敢妄供等語是姚細祐等不過在舖飲酒何以見其形踪可疑該承審各官並未訊明卽云平日原是不好人從前有无犯案是跡豈可概置不問且據楊禮臣亦供不知陳同上是否係姚細祐等傷死一派捕風捉影之詞奚可憑信姚細祐等雖僉供傷死陳同上係在逃之梁亞富安知非各犯畏刑誣服妄指若果係梁亞富致死該撫旣將姚細祐照二人共犯現獲者稱逃者爲首無人証佐則決其從罪律擬流而又請監候待質未決其罪倘在逃之梁亞富弋獲無期必將姚細祐久淹囹圄又與先決其罪之律文不符事關竊盜拒捕傷人致死之案未便含混率結應令該撫再行確審妥擬具題到日再議等因題駁去後茲據該撫疏稱當日姚細

祐等在墟外荒埔商同往竊姚壘尾圍人家布疋爲鄉勇楊禮臣窺見是夜行竊未成路經赤岡圍外陳同上出圍追擒各犯奔逃惟姚細祐與梁亞富在後擲石拒捕姚細祐先擲之石未聞人殺梁亞富後擲之石卽聞叫喊陳同上寔係梁亞富擲傷致死其細祐等被獲到案各犯以寔情難掩隨卽自行供認並非畏刑誣服妄指經縣喚訊鄉勇楊禮臣亦供伊充鄉勇凡地方有不端之人留心查察姚細祐林亞二從前雖無犯案但平日俱係游手好閒梁亞堅前經犯竊有案原非善良且姚細祐等在墟聚飲後出墟外交頭接耳像是畏人知見形踪可疑是夜卽有陳同上被竊拒捕傷死之事是以據寔供報其梁亞堅一犯原屬認識前因屍場喚訊一時忘記其名致未供出迨後查知該犯姓名及前經犯案因拘獲姚細祐業已自認行竊拒捕未經喚訊故未供明並無妄報情弊等語經縣查明梁亞堅

曾于雍正七年十一月二十二日夜偷竊葉美傑牛隻被獲柳責有案歷審各犯供認確鑿寔為本案竊盜無疑將姚細祐仍照原擬滿流先行僉妻發遣等因具題應如該撫所題姚細祐合依罪人拒捕殺人為從減一等律杖一百流三千里先行僉妻發遣至配所折責四十板該撫既稱林亞二姚亞發姚細窩梁亞堅先經奔逃不知拒捕情由均合依竊盜已行而不得財為從減一等律笞四十免刺前經折責發落應免重科梁亞堅所帶鉄鍬據供遺失無憑起追本案盜夥六人已獲五名未獲一名訊無窩線聚飲店主曾亞生訊明各犯供不知情應免提訊各等語均應如該撫所議完結逸犯梁亞富應令嚴緝務獲審擬具題奉

旨依議

蒙古人犯罪不應照內地律定擬駁

刑部議覆直督孫 題賊犯稍馬兒偷竊二小子馬四并拒捕戮傷事王一案將稍馬兒依律擬絞等因前來查律載隸理藩院者仍照原定蒙古例等語蒙古例載官員平人或一二人夥眾行竊牲口或被失于或彼旁人知覺追趕竊盜將人殺傷者不分首從俱擬斬抄沒妻子產畜給還事王等語今稍馬兒係翁牛特貝勒朋蘇克旗人將二小子馬已偷去又拔小刀扎傷理應會同該扎薩克照蒙古例擬今該督並不會扎薩克審理即照內地律定擬殊屬錯悞應行令照例行文該扎薩克等會審照蒙古律妥擬再議乾隆六年三月奉旨依議

人犯未到官之先潛逃不加逃罪

刑部為檢舉詳報事會議得永定縣審革監生盧藻與總麻服婚王氏通姦一案據福建巡撫盧 將盧藻等擬絞徒杖罪援 赦等因

應如該撫所題除另案挖坟拋骸訊無確據結案外盧濬合依姦內
外總麻以上親之妻者姦夫發附近衛所充軍例應僉妻發附近衛
所充軍至配所杖一百折責四十板該撫雖稱盧濬犯罪事發潛逃
應照負罪潛逃例犯該發邊衛充軍者擬絞等語查人犯拿獲到官
後又脫逃者方照負罪潛逃例加倍治罪今盧濬因事發懼罪逃匿
與拿獲到官後又脫逃者不全應將該撫所擬加倍擬絞之處毋庸
議王氏合依姦總麻以上親之妻各杖一百徒三年律係婦人照律
決杖一百餘罪收贖王氏已經改嫁應給與後夫收領給藥之醫生
張又經捏報盧濬身死之盧宣昭混行具結之房戶盧奮斯地隣余
周鑑張振先俱合依不應重律杖八十各折責三十板張又經盧奮
斯余周鑑張振先俱年逾七十照律收贖恭遇雍正十三年九月初
三日

恩詔查盧濬等所犯情罪與 赦欵相符均應援 赦免罪王氏等并免
其收贖等因乾隆元年七月二十九日奉

旨依議

官吏受賍縱犯脫逃未獲懸議定

刑部議覆福督咨晉江縣典史魯九思受賄縱犯一案緣施信施貫
同在寧德縣買有船隻載柴返棹在洋遭風失桅收入衙口灣經永
寧汛把總洪龍到船盤查因船係買自別縣未經領照施信行賄免
拘晉江袁令將施信拿獲收禁并將賄銀貯庫通報典史魯九思受
賄捏報病重提監施信回家卽行逃脫查此案施信在逃經縣勒限
嚴比尚未弋獲若必俟施信獲日併審則案犯衆多未免守候無期
致滋拖累今施瑤行求屬寔施信從前納賄袁令現賄確據似可按
擬先行審結查例載本犯無病串通獄官醫生捏稱有病者該犯併

例案續刊 卷二
獄官醫生俱照詐病避事律治罪若保出故縱者保人治以本犯應得之罪又律載官吏人等詐稱疾病臨事避難若當該官司知而聽行者與同罪等語查施信罪名雖因脫逃尚未審定但從前該犯已將自寧德縣買船販柴回家在洋遭風失桅收入灣內汛弁查驗因買自別縣船隻未領執照無從查驗並未帶有人口軍器及違禁貨物下海通番情由供明其行賄銀兩又現貯在庫自可按律定擬查定例船隻出洋如有不由各汛偷越外洋者船戶舵工人等各杖一百枷號三個月又律載有事以財行求得枉法者計所與財坐贓論等語施信應計贓從重科斷其行賄市戲番銀二百四十兩折紋庫銀一百九十六兩八錢照坐贓一百兩科斷施信應杖六十徒一年定罪今咨革典史魯九思醫生董世祿扶同捏報監犯施信病重以致取保脫逃除魯九思得贓折紋庫銀一十一兩四錢八分董世祿得贓折紋庫銀一兩二分三厘零各輕罪不議外均合依詐稱疾病臨事避難官司知而聽行與同罪律應與施信同罪魯九思董世祿應各杖六十徒一年魯九思係貪官永不敘用蔡為東得贓說合担承作保陳拔淑寫領保犯故縱脫逃均屬不法照本犯無病串通獄官醫生捏稱有病保出故縱者保人治以本犯應得之罪例應各杖六十徒一年劉彩受賄故縱作何定罪律無明文劉彩除得贓折紋庫銀一十一兩八錢八厘輕罪不議外應比照王守及押解人故縱者與囚同罪律應杖六十徒一年役滿總吏蔡茂應照枉法贓一十五兩杖一百無祿人減一等杖九十查係役滿書辦考受職銜應照例加一等仍應杖一百革去職銜吏劉繳銷典史門子許志過付典史魯九思贓銀一十一兩四錢八分應照說事過錢與受財人同科例枉法贓一十兩杖九十無祿人減一等杖八十刑房許春得贓折

紋庫銀八兩八錢六厘零應照枉法贓一兩至五兩杖八十無祿人減一等係書吏應照例加一等仍杖八十兵房林順得贓折紋庫銀一兩三錢六分一厘零應照枉法贓一兩至五兩杖八十無祿人減一等杖七十係書吏應照例加一等仍杖八十提牢刑書董曾許忠傅思洪春吳道謝殿各得錢二百零四文均照枉法贓一兩以下杖七十無祿人減一等杖六十係書吏應加一等仍各杖七十禁卒鄭來莊尚陳一陳寧黃科曾謹王妙各得錢一百七十五文均照枉法贓一兩以下杖七十無祿人減一等各杖六十差役張雨得番銀三兩蔡恭得番銀二兩六錢均係事後向劉彩索取分用均應照不應重律杖八十許志等仍俱革役等因前來據此應均如該督所議完結在逃之施信等應俟嚴緝獲日審擬報部核奪至失察獄官醫生捏報監犯患病并各役受賄縱脫罪犯之前署晉江縣事南安縣丁憂知縣曹奎雖據該督咨稱係該員自行查出揭報其失察職名應請邀免等語應聽吏部定議咨覆該督可也

勒索領催銀兩僅擬枷責熱審不減等奉 旨駁改議處

吏部題為查叅事議得刑部咨稱管理鑲藍旗漢軍事務和碩果親王等叅送該旗佐領盧鼐勒索領催姜漠銀兩一案臣部將盧鼐擬以枷號遇熱審不淮減等臣德明面奉

諭旨熱審減等原係定例部內將盧鼐僅擬以枷號故稱遇熱審不減等明係司官朦混爾即查明具奏欽此臣德明查盧鼐身為佐領明知姜漠戶口不清理應即行查究乃反借端勒索銀兩入已欺公受賄殊干法紀該司員外郎姚世榮止將盧鼐擬以枷號鞭責及議稱雖遇熱審不淮減等之語殊屬不合除盧鼐一案另行定擬具題外應將該司員外郎姚世榮主事圖棋胡倫保傅元牲並不行詳查定擬

之該侍郎海壽張保一併交與吏部察議等因具奏前來查定例軍
流等犯錯擬徒杖者州縣官罰俸一年督撫罰俸三個月等語今員
外姚世榮等將應擬流罪之盧鶴擬以枷責不合應將刑部員外郎
姚世榮主事圖棋胡倫保傳元牲照州縣官例罰俸一年侍郎海壽
張保均照督撫例罰俸三個月查姚世榮海壽張保俱係革職留任
之員其罰俸之處相應註冊可也奉

旨依議

安置官犯別省提質嗣因患病留醫其是否安靜卽于別省查奏
乾隆二年二月刑部覆先據浙督李 咨稱原任仁和縣知縣胡作
柄于雍正四年緣查嗣庭案内妄通書札免其徒杖發往滿洲駐劄
之處安置滄州于雍正五年緣浙省仁邑建忠節祠宇侵扣案内提
解來浙審無侵扣正在請咨發滄該叅令陡患痰症咨部留浙醫治

安分守己毫無過犯茲奉

恩赦據胡作柄呈請援免咨候部示等因臣部以胡作柄係查嗣庭案内
私書往來奉

旨安置滄州之犯今浙省並非胡作柄安置之所浙督亦非該管胡作柄
之官胡作柄呈請援免似與

恩詔不符况在安置地方已過三年安靜悔過亦應該管官將犯罪情由
具題臣部以不便據咨遠議行令該督妥議具題去後今據該督疏
稱胡作柄自滄提解來浙審結後患病留醫屢經咨明內部有案今
恭逢

恩詔查明胡作柄癱瘓留醫在浙已經九載確能安靜悔過浙省雖非胡
作柄安置之所但既留醫取有收管不時查察寔與安置地方無異
若必令滄州之該管官具題則該犯原留醫在浙彼地無從查奏臣

確查該犯留浙有因其在在外所過年分并安靜悔過之處寔與
恩旨相符相應將胡作柄所犯情由遵照部行具題恭候

聖鑒定奪等因具題查雍正十三年十一月二十一日恭逢

恩詔內開凡從前發往各處安置人員有情罪尚輕而在外已過三年能

安靜悔過者着該管官查明所犯情由具奏欽此欽遵今胡作柄係

因妄通書札免其徒杖安置滄州之犯該督既稱提解來浙審無侵

扣以該員癱瘓留醫在浙已經九載確能安靜悔過且情罪尚輕寔

與

恩赦相符等語應否將胡作柄援

赦釋放之處恭候

諭旨遵行奉

旨胡作柄准其釋放

職員舉貢生監免其為奴

乾隆二年三月刑部咨據寧古塔將軍吉黨阿等咨稱據渾春署協

領庫楚呈稱雍正五年八月十七日經宗人府衙門以段德行賄鑽

營投入塞思黑府中捐納職銜令伊子在旂考試認領九興木行號

貿易請將段德捐納筆帖式職銜並伊子佛保福壽考中舉人生員

俱革退將段德並妻子俱發打牲烏喇當苦差等因具奏十八日面

奉

上諭段德身係民人鑽營投入塞思黑府中倡率行事甚屬可惡不必發

遣打牲烏喇着將伊妻子一并賞給庫楚使役伊若與奴僕一體服役

則已若仍生事為匪令庫楚即行打死庫楚若不嚴行管束仍令生事

為匪伊自身亦被株連着將段德素行曉諭庫楚欽此欽遵在案于雍

正六年因段德父子將我晉罵拚命業將段德父子三人打死經將軍

衙門將打死情由報部在案今遵奉

恩旨將段德捐納筆帖式職銜并伊子等考中舉人生員年分訊據段德之妻供稱我係婦人不能記了等語段德係原任筆帖式伊子原係舉人生員等因其呈前來據此相應咨部將賞給庫楚為奴段德之妻伊子老小子哈兒女二口孫書兒孫女一口應否遵奉

恩旨從庫楚家內撤出編入旗下佐領之處俟部示覆到日遵行等因前來查乾隆元年九月十三日王大臣奉

上諭發給黑龍江寧古塔等處披甲為奴之犯原係叛逆及強盜減等者此等罪惡重大寬免其死發令為奴已屬法外之仁而伊等兇惡性成仍復犯法是以定有聽伊王打死勿問之例乃聞各處披甲人等竟有圖佔該犯妻女不遂所欲因而斃其性命者甚屬可惡且其中有曾為職官生監而亦受凌辱漫無區別情定堪憫着各該將軍等查明現在

為奴人犯內有曾為職官及舉貢生監出身者一概免其為奴即于戌所另編入該旗該營令其出戶當差並出示曉諭披甲人等俾其痛改舊習倘仍有圖佔犯人妻女因而致斃其命者查出仍行照律治罪而為奴人犯亦不得捏詞挾制伊王嗣後法司定案除真正反叛及強盜免死減等人犯外其職官舉貢生監等有罪應發遣者不得加以為奴字樣如何分別定例治罪之處該部詳議具奏欽此欽遵經臣部議覆通行在案查段德原係筆帖式伊子佛保係舉人福壽係生員段德父子三人俱于雍正六年因詈罵庫楚被庫楚打死是段德等原係職員奉

旨賞給庫楚使役之人與寔在發遣為奴有間段德之妻子應遵奉

諭旨撤出令其當差再查臣部原議內止將現在為奴人犯內有曾為職官及舉貢生監出身者一概免其為奴即于戌所編入該旗該營令

其出戶當差其曾為職官已故人犯之妻子未經聲明但現今遵奉恩旨將會為職官為奴人犯撤出其妻子已皆在撤出之內臣等請嗣後如有此等曾為職官及舉貢生監發遣為奴人等本犯已故其妻子似應邀

思一體撤出編入該旗令其出戶當差俟

命下之日通行直隸各省督撫將軍提鎮一體遵行奉

旨依議

旗奴屢次逃竊懲治不悛照吃酒行兇例刺字發三姓地方為奴刑部惡奴兇悍不法等事議復據福建巡撫盧 咨稱劉殿榮係鑲黃旗漢軍領催劉進孝家人該犯賦性兇悍屢次逃竊其主懲治不悛呈請充發相應將劉殿榮解部發遣等因到部審據劉殿榮供我係福建福州府駐防鑲黃旗漢軍龐天柱佐領下領催劉進孝家人

今年二十三歲了並無妻室我從前原屢次逃走是寔今主兒因我兇悍不服管束將我送部發遣我有何辯處等語據此劉殿榮應照吃酒行兇例面上刺字咨送兵部轉發三姓地方給與八姓二千兵丁為奴等因乾隆三年九月初九日奉旨知道了

隆冬期內起解軍流雖係本犯欲行仍議處

刑部為稟報事乾隆六年七月間議覆據署福撫王 以上杭縣知縣史園將軍犯袁生振等于乾隆五年十月十二日停遣時起解併聲明該犯情願發遣免羈囹圄違例職名應請免開等情原咨移送吏部查議等因本部查定例閩粵二省俱係南方炎熱之區應照常起解發遣等語應將上杭縣知縣史園照例免其查議仍知照刑部續准刑部咨稱查雍正七年本部議覆江西按察使湖瀛條奏軍流

人犯抵配不遠卽時值隆冬本犯情願前進一體接遞若人犯在本
地未經起解者仍照例停遣再乾隆三年五月內本部議覆福建按
察使倫達禮條奏嗣後福建應流人犯如遇隆冬應改照停遣之例
俟春和再解各奏准通行在案今上杭縣知縣史園將袁生振等違
例起解是以本部將原咨送吏部查議今准吏部將史園免議知照
本部相應抄錄閩省軍流人犯隆冬一體停遣原奏知照吏部聽候
查辦等因查閩省應流人犯違例發遣既經着有定例應將違例發
遣之上杭縣知縣史園照例議處附入彙題外仍知照刑部等因前
來據此相應知照福撫可也

別省生長犯事仍照原籍安置

乾隆六年八月刑部咨覆閩浙總督德 咨查該督既稱陳天生係
臺灣生長而原籍廣東自應按照原籍仍流福建安置等語應如所

議將陳天生僉妻照粵省人犯流定地發配報部可也

免死減等及窩盜三人以上與平常外遣人犯分別指定州縣安

插

刑部爲請

事乾隆七年十二月十五日准刑部咨據廣撫王 咨稱粵東烟瘴地
方以及烟瘴少輕地方各州縣經部另行議定與軍衛道里表所載
不同蓋道里所載係例內載定之軍犯今烟瘴地方以及烟瘴少輕
地方皆係免死減等并例應外遣之犯改發內地者而言今各省往
徃以軍衛道里表所載烟瘴地方指定僉發來粵殊未畫一除咨各
省督撫遵照乾隆二年九月份內奏准凡強盜免死減等及窩留
強盜三人以上之犯俱發萬州定安會同樂會臨高欽州靈山等七
州縣其各項平常外遣人犯定例改發烟瘴少輕地方安插之犯俱

發瓊山東莞香山新會新寧新安歸善海豐陸豐饒平澄海潮陽惠
 來陽江電白吳川石城海康遂溪徐聞合浦等二十一縣倘各省再
 照軍衛道里表地方指定僉解到粵時亦卽分別改發以免岐悞相
 應咨明等因前來據此應如該撫所議畫一分發并行文各省督撫
 一體辦理可也

例案續增卷二終

文政

